

სახალი ნაკადი

საქართველოს მექარცხნე
ფედერალისტ მაშვრალთა პარტია.

ხუთშაბათი, 13 თებერვალი.

№ 8

1919 წ.

გაზეთი ამთავითვე გამოვა კვირეში ორჯერ—ორშაბათობით და ხუთშაბათობით.

ამხანაგებო

სოფლისა და ქალაქის მუშებო!

თქვენ შექმენით თავისუფალი საქართველო, რომელიც მშრომელთა სოციალისტურ სამშობლოდ უნდა გახდეს, და რომ თქვენი კეთილდღეობის მომავალი განსაცდელში არ ჩაუარდეს, თქვენ ხმა უნდა მისცეთ თქვენი ინტერესების მედგარ დამცველს წმინდა სოციალისტურ პარტიის სიას

№ 9.

ჩვენი პარტია დამოუძნებელ კრებას სთვლის მხოლოდ თქვენი ნების-უოთის გამოძახებლად და თქვენი ზრახვების განმასახიერებლად. ჩვენ დაუოწნებელი მოვითხოვთ:

მიწის უფასოდ გადაცემას,

მიწის მუშათა ამხანაგობათათვის.

მუშათა კონგრესოს მრეწველობაში.

ქალაქის მშრომელი ხალხისთვის უფასო საცხოვრებლების დაწესებას, ჯანმრთელობის საკითხის მშრომელ ხალხის სასარგებლოდ გადაწყვეტას. უფასო, საყოველთაო და საჯაროდ სწავლა-განათლებას. ჩვენი პარტია თავის უმთავრეს მიზნად ისახავს რათა მშრომელმა თვითვე გამოსჭედოს თვისი ბედი, ამიტომ იგი მოითხოვს ხალხი პირის-პირ იღებდეს მონაწილეობას მომავლის შენებაში. თქვენ გეუბლებათ ხმა მისცეთ მშრომელთა პარტიას № 9.

გაუმარჯოს თავისუფალ საქართველოს!

გაუმარჯოს მშრომელთ საერთო კავშირს!

გაუმარჯოს სოციალიზმს!

გაუმარჯოს მაშვრალთა პარტიის სიას № 9.

ამხანაგებო! დღეიდან იწეება საქართველოს დამფუძნებელი კრების არჩევნები. თქვენი მოვალეობაა დაუყოვნებლივ შეუდგეთ გაცხოველებულ მუშაობას, რომ გაძარჯვება მოუპოვოთ მაშვრალთა სიას



ყოველის პატრონს მაშვრალს, ქვეყნის გამგებლობაში არას ეკითხებოდნენ, და ქვეყანას არამკითხვე ბატონები განაგებდნენ.

დრონი იცვალენ. მშრომელმა ხალხმა წელი გაიწვია. ქელი მოიღერა და თავის ბატონებს ამყურათ შესახა ჰეი! გზა! ჩამომეცალეთ პიროდგან ჩემი საქმის ბატონი—და პატრონიც მე უნდა ვიყო. ამ ბრძოლაში დიდი დახმარება გაუწია თავისიდანვე წრიდგან გამოსულმა ინტელიგენციამ.

ინტელიგენციამ უფრო გენერლის როლი ითამაშა. და ხალხს მესვეურნი გაუხდნენ. მშრომელი ხალხი წინად მოკლებული იყო სწავლა განათლებას. ამისთვის მას არც დრო ჰქონდა და არც საშუალება, აი ეს იყო უმთავრესი მიზეზი მშრომელი ხალხის სიბეჭავისა.

ძველი რეჟიმის ნგრევის ხანაში და ახლის აშენების ხანაში. დემოკრატია მოსწყდა მთლად ინიციატივის როლს. ინიციატორობა მთლად ინტელიგენციას ჩააბარა. თვითონ კი უბრალო პასიური ინტელიგენცია ბრძანების შემსრულებელ როლში დარჩა. მდგომარეობა ქმნის ხან შეგნებასო. და ეს ასევე მოხდა. ძველი დროის ხელმძღვანელი ისე ჰფიქრობდნენ: თითქოს ხალხი დაბადებულნი არიან მათ საყმოთ და ისინი კი მათ ხელმძღვანელ ბატონებათ. ბევრი წვანე ფერის რეაქციონერი ისე ფიქრობდა თითქოს ერთ საბოქაულოში რომ ერთი ბოქაული მომკვდარიყო მთელი საბოქაულო უპატრონობით დაიღუპებაო.

ასეთივე ავადმყოფური აზრი განვითარდა თვით თანამედროვე სოციალისტურ პარტიებში. მათმა ხელმძღვანელმა ინტელიგენტებმა რწმენათ გადიქციეს. თითქოს დემოკრატიის სეგბედის გადამქრელი ეს მარტო თვითონ არის, დემოკრატია მას მარტო ხმა და თითი უნდა აძლიოს, და, თვით მისი მბძანებელი იყოს. მუშები კი მარტო ბრძანების შემსრულებელი.

საუბედუროთ მუშათა დიდი ნაწილიც ასევე ფიქრობს. „თუ მე ინტელიგენტი არ მიბძანებს მე რა შემძლიან კავაკეთო.“

ასეთი ავადმყოფური აზრი დემოკრატიის ინტერესებისთვის ძრიელ საზარალოა. საჭიროა მუშის გონებრივმა შეგნებამ და პოლიტიკურმა მომზადებამ იმ დონემდის აიწიოს.

სია საქართველოს მეძარცხენე სოციალისტ-ფედერალისტ მაშვრალთა პარტიის

კანდიდატებისა დამფუძნებელ კრებაზე.

№ 9

1. თანცხავა იაკობ სპირდონისძე—საზოგადო მოღვაწე, პუბლიცისტი.
2. წერეთელი ალექსანდრე იოსებისძე—პარლამენტის წევრი, თფილისის საბჭოს წევრი, საზოგადო მოღვაწე, ჟურნალისტი.
3. იოსელიანი ალექსანდრე იასონისძე—რკინის გზის მუშათა პროფესიონალური კავშირის სექციის წევრი.
4. ჯანდიერი გიორგი ილარიონისძე—საზოგადო მოღვაწე, მსწავლელი მეურნე.
5. სულთანშვილი გიორგი ივანესძე—ტრამვაის მუშა.
6. ვარაზშვილი ისიდორე სოფრომისძე—საზოგადო მოღვაწე.
7. ფხაკაძე ივანე ფილიპისძე—სასამართლოს მოღვაწე.
8. სტურუა ანტონ ივანესძე—საზოგადო მოღვაწე, მესტამბე.
9. გერსამია სერგო ლუკასძე—საზოგადო მოღვაწე.
10. უსტიაშვილი ნიკოლოზ იაკობისძე—რკინის გზის მუშა.
11. ჯაფარიძე ალექსანდრე მალაქისძე—იურისტი.
12. კვერცხაძე ერმალოზ ივანესძე—ტრამვაის მუშა.
13. აბრამიშვილი მიხეილ ვლადიმირისძე—მასწავლებელი.
14. დოლიძე ნიკოლოზ ალექსანდრესძე—მუშა.
15. კვირკელი პლატონ მელქისედეკისძე—მასწავლებელი.
16. ჩომახიძე ერასტი გაბრიელისძე—კონდუქტორი რკინის გზის.
17. ლეჟავა ნიკოლოზ რომანისძე—ინჟინერი.
18. ლორთქიფანიძე ვარლამ სპირდონისძე—ფარმაცევტი.
19. მხეიძე ალექსანდრე სამსონისძე—პროვიზორი.
20. დგებუაძე ნინო ფარნაოზის ასული—მასწავლებელი.
21. კიკვაძე ლონგინოზ ლავრენტისძე—მასწავლებელი.
22. ნიჟარაძე რაქდენ ფარნაოზისძე—სოფლის მეურნე.
23. ბაქრაძე მიხეილ მალაქისძე—
24. ბოკერია მიხეილ ივანესძე—მოხელე.
25. ქანტურია გიორგი პავლესძე—მასწავლებელი.
26. დოლიძე დომენტი მაქსიმესძე—მუშა.
27. ჩიკვაძე გრიგოლ მეთოდესძე—მუშათა და ჯარის კაც. საბ. წევრი.
28. ქავთარაძე შუშანიკა ფარნაოზის ასული—მასწავლებელი.
29. დათეშიძე ნიკიფორე ალექსისძე—მუშა.
30. კველიშვილი ევსევი გიორგისძე—ტრამვაის მუშა.
31. ჩიქოვანი თეოფანე საბასძე—პროვიზორი.
32. ქავთარაძე გრიგოლ იოსებისძე—მუშა.
33. ბარათაშვილი კარპეზ ფარნაოზისძე—ფარმაცევტი.
34. ჩიკვაძე ნადეჟდა მიხეილის ასული—
35. იაშვილი დავით ქაიხოსროსძე—სტუდენტი, პარტიული მუშა.
36. ხუციძე გალაქტიონ უფლისასძე—ფარმაცევტი.
37. კობლაძე იოსებ გრიგორისძე—დებოს მუშა.
38. ლორთქიფანიძე გიორგი სიმონისძე—მუშა.

რომ ჩაენერგოს განმეტყიცოს მუშის აზრი და, რწმენა. რომ, მაშვრალმა ხალხმა თუ თვითონ არ მოკიდა თავის საქმეს ხელი, სხვა მას თავისებურათ ვერ გაუკეთებს. მუშებისთვის საჭიროა ინტელიგენტი. იმდენად რამდენადაც ეს ინტელიგენტი მუშებს შეაჩვევს ინიციატი-

ვას, თვით მოქმედებას და თვით ხელმძღვანელობას. მაშვრალთა ინტერესების საქმიანობაში ამ შემთხვევაში ინტელიგენტმა მასწავლებლის როლი უნდა შეასრულოს და არა გენერლობისა.

კახელი მუშა.

ამომრჩეველთა საყურადღებოდ.

უველა ამომრჩეველმა საჭიროა იცოდეს:

1) საარჩევნო კონვენტები სასლში არ დარბეგება. მიღება მისი შეიძლება საარჩევნო უუთან არჩევნების დღეს.

2) ჩვენი პარტიის ნუმერია 9 კონვენტში უნდა ჩასდოთ მხოლოდ ერთი ბიულეტენი, სადაც ჩამოთვლილია 38 კანდიდატი ჩვენი პარტიისა.

3) ბიულეტენებზე თუ რაზე დაწერეთ, ან თუ გვარები არ იქნა ჩამოთვლილი—ხმა იკარგება.

საქ. მეძარცხენე სოც.-ფედ. მაშვრალთა პარტიის ცენტრალური საარჩევნო კომისია.

რისთვის გვდევნიან.

დაარსდა მეძარცხენე სოციალისტ-ფედერალისტთა მაშვრალთა პარტია თუ არა, როგორც მოსალოდნელი იყო, ძველმა ნაამხანაგარებმა ჩვენზე ძრიელი იერიში მოიტანეს. დაგვიცინიან „თქვენ პარტია კი არა—რამოდენიმე ჩვენგან გარიცხული პირი ხართ და რომ თქვენი პირადი კარიერა აღადგინოთ, პარტიის სახელი დაირქვითო.“

სჯერათ ამ აზრის მთქმელს თავისივე სიტყვა?! ალახმა უწყის.

ჩვენმა პარტიიდან გამოსვლამ ძრიელ გაუწია ყურები, ვინც ჯერარს, და ძრიელ დაფაცურდნენ. მაგრამ, საუბედუროთ ეს მათი დაფაცურება არა პარტიული მუშაობაში გამოიხატება, არამედ წვრილმან დემაგოგიაში.

ფედერალისტები დაბძანდებიან უბან უბან და სამი კაცი რომ ნახონ მათ მაშინვე გამოატანინებენ ანუ დაუწერენ ჩვენს წინამდებ საპროტესტო რეზოლიუციას. ამით მთელი საქმეს ათავებენ! ამ საქმეს ასრულებს ჯამბაზობას ვ. კოტეტიშვილი ეწვეა: მივა ორ კაცთან, გამოვანძღავს ალიოშა წერეთელს. და თან დაიტრიალებს: „ოპოზიციის



შეშენილი მე ვარ და მე, რაკი მუშებს არ გავყვევი სიხანს მთელი ოპოზიცია აქა ვართო“ ესეთია ვახტანგის აზრი. მას გონია ოპოზიცია ეს ვახტანგ კოტეტიშვილია. მაგრამ ჩვენ კი, საკითხს ასე არ უყურებთ! ჩვენ მუშებში და ჩვენთან რამოდენიმე ნასწავლი ამხანაგები მუდამ ოპოზიციაში უდევით მთავარ კომიტეტს. როდესაც დავრწმუნდით, რომ ჩვენ მათთან მუშაობა უბრალოდ როის კარგა იყო, ჩვენ თავს ჩვენვე უპატრონეთ.

დავარსეთ ისეთი მუშათა რგანიზაცია, რომლის საქმიანობა ქნება არა მარტო ლაპარაკი, არამედ საქმე. ჩვენ უნდა შევქნათ სოფლის დ. ქალაქის მაშვრალ მუშათა ორგანიზაციები და შეძლების და გვარათ შევიტანოთ მათში სოციალისტური და კლასიური თვით შემეცნება. ვანუგითაროთ მათ ინიციატივა თვითმოქმედებისა. რომ იგი თავის საქმის მართვით თვითონვე იყოს, რომ მას აპეკა და ძიძები არ სჭირდებოდეს.

ეს ჩვენი სურვილი პატიოსანი და სწორი გზა არის. მშრომელთა და ტანჯულთა კეთილდღეობისკენ. ჩვენ არავისგან ამისთვის საღიანძღავი და სათრევი არ უნდა ვიყვეთ, მაგრამ თუ დღეს „სახალხო ხაქმე“ თავის რვა გვერდს მარტო ჩვენ დამცირებასა და ლანძღვით ავსებს, მაშინ უნდა ვიფიქროთ, რომ მათ ეს ჩვენი მიზანის განხორციელება სძულთ. მაგრამ ჩვენ ხომ ძალას არავის ვეტანთ? ჩვენთან მოდიოთ! გვიწუნებენ წერას, ლაპარაკს, რომ ჩვენი გაზეთი არ არის ღრმა აზროვანი.

მაგრამ ჩვენ ხომ ფედერალისტების სამეცნიერო ცენტრისათვის არა ვწერთ? უნდა მოვახსენო ბ. მოწინააღმდეგეთ, რომ ჩვენ მუშები ვართ; ვწერთ მუშათა ჭირ ვარამზე იმას, რაც შეგუძლიან. მაგრამ გთხოვთ ნუ ისჯებთ და ნუ გვაგინებთ ქუჩური სიტყვებით, ყოფილო ამხანაგებო! ვინების სწავლა რომ გვინდოდეს მისი უნივერსიტეტი ვიცით საარის და იქ ვისწავლით.

რაც შეეხება ჩვენს პარტიას, სოც. ფედერალისტთა მაშვრალთა პარტია—არის წმინდა სოციალისტური მაშვრალთა ხალხის პარტია. ჩვენთან ერთად სდგას ის მშრომელი მაშვრალი ხალხი, რომლებიც შეგნებით სდგან ჩვენი დროშის ქვეშ. და ის მცირე ნაწილი ნასწავლ სოციალისტურ ინტელიგენციისა, რომლებიც ცალი სეღის თითებზე ჩამოითვლება, და თქვენ კი მათ ჯვარს აცვამთ. მისთვის რომ იგინი ჩვენთან არიან, და ეგვეც ხომ ძალადობა! მარტო ლაპარაკი კი არ არის საჭირო საქმე—საქმეა, აბა იკადრეთ და გამობანდით მუშებში და თუ თქვენ

ამას ვერ იზამთ, მაშ რაღას უსაყველურებთ მათ, ვინც ჩვენთან ერთად ჩვენს ჭირსა და ლხინს იზიარებს?

მუშა ხელთანშივილი.

უველბ საარჩევნო კომისიაში კუთებთან არის ჩვენი სია № 9. ამომრჩეველბო! კონვერტის მიღების დროს მოითხოვეთ ჩვენი სია № 9.

ჩვენ ღ ისინი.

თავად დადიანების და ადვკატ ფედერალისტების „სარეგულირაციო“ პარტიას გაჰხარებია ის ცნობა რომ მათმა ტერორმა გასჭრა და უარი განაცხადეს დამფუძნებელ კრების კანდიდატებზედ ორმა პირმა. „სარეგულირაციო“ პარტიის ორგანო დიდის ამბით აღნიშნავს და ქუჩურ მოკითხვას და ნიშანს გვიგებს. იმ ორმა პირმა უარი ფედერალისტების ზეგავლენით გამოაცხადეს, მარა ეს არაფერია, გავყვეთ და ვილაპარაკოთ სინდისიერობაზედ და პაღლოგების შედგენაზედ. თუ ასე დავსვამთ კითხვას ამ მხრივ პირველი ადგილი უკავია „სარეგულირაციო“ პარტიას. ერთი პატარა ფაქტი არის საჭირო დავასახელოთ რომ გავაწითლოთ ფედერალისტების თავადი დადიანები და საყვარელიძეები. მაიგონონ მათი პაღლოგები დუშეთის მაზრის არჩევნების დროს ჩადენილნი, ფედერალისტები როდესაც სხვას უკიჟინებენ უნებლიეთ შეცდომებს, უმჯობესი იქნებოდა თავიანთ წარსულს გადახედონ.

დებოს მუშა.

ვისაც, მართლაც უეუარს მშრომელთა კეთილდღეობა, ვისი რწმენაც დაკავშირებულია მჭიდროდ სოციალიზმთან, ვის სულისა და გულის ჭეშმარიტად ატოკებს მაშვრალთა ბედ-იღბალი, იგი დამფუძნებელ კრებაზე ხმას მისცემს მხოლოდ მეძარცხენე სოც. ფედ. მაშვრალთა პარტიის სიხს № 9.

საღაბი გორიდან.

გორის თანამოაზრეთა ჯგუფი სალამს გიძღვნი თქვენ, როგორც ერთადერთ ნამდვილ მშრომელთა მასის ინტერესების დამცველს და გისურვებთ ნაყოფიერ მუშაობას იმ სწორ გზაზედ, რომელიც თქვენ

ამოგიჩვეიათ. მთელი ჩვენი ჯგუფის თანაგრძობა, რომელიც ყოველ დღე იზრდება თქვენთან არის და იქნება მუდმივ; დარწმუნებული ვართ, რომ ყველა ის ვისი გულიც კი იტანჯება მუშური იდეებისთვის, ყველა ჩვენს გარშემო შემოიკრიბება განუზრუნვლად პარტიული შეხედულებისა და ამას უკვე ვხედავთ; აიღეთ ყველა ჩვენი პარტიული მუშები პროვინციებში, მთელი მათი სიმატია ჩვენსკენ არის, ყველა მათ „ახალი ნაკადი“ უჭირავთ ხელში, თუმცა კი ჯერ არ გაუნებებიათ თავი ძველი პარტიისთვის, რადგანაც ჩვენც ვერ მოვწყობილვართ; ჩვენი ნამდვილი სიტყვა ამხანაგებს ჯერ არ მოუსმენიათ, მათ მოისმინეს მხოლოდ ჩვენი მოწინააღმდეგეს ლანძღვა გონება ჩვენ წინააღმდეგ მომართული.

ჩვენ გვაკვირვებს ზოგი ამხანაგის გულუბრყვილო მტკიცება, რომ რათ გაიყო პარტია, როდესაც ჩვენ შორის არაფერი განსხვავება არ იყოფა ამას აწერენ ამხ. აღ. წერეთელსა. ვისაც ასე გონია, მათ უნდა მოვახსენოთ, რომ პარტიას ვერ შექმნიან ვერც წერეთლები და ვერც ლენინები, პარტიას ქმნის აზრთა საერთო იდეა, რომელიმე ჯგუფისა, და ამ იდეების მიმდევრები ირანებებიან მის გარშემო, ცრუ აზროვნებით თქვენ შეიძლება გაიყოლიოთ ერთი ადამიანი, ორი, ათი, მაგრამ, როდესაც მას იზიარებს მთელი ჯგუფი. მაშინ მის არჩევაში ხალხი არ შესცდება. მშრომელი მასსა, თავისი უმრავლესობის შემადგენლობით, მუდამ სისწორეს გამოჰხატავს იმის და მიუხედავად, თუ ამ აზრებს იზიარებს სხვა ბურჟუაზიული ან ნახევრათ სოციალისტური წრეები თუ არა. ჩვენც თქვენთან ვართ, ამხანაგებო! გამხნევდით, სიმართლე და გამარჯვება თქვენთან იქნება!

ჩვენს პარტიაში.

ამხ. აღ წერეთელს. სხვა და სხ. კუთხიდან მოდის მისასალმებელი ბარათები. ვათავსებთ ზოგიერთ მათგანს. ქუთაისიდან: „გიძღვნი სალამს და გისურვებთ გამარჯვებას. ჩვენც თქვენთან ვართ. სალამი ამხანაგ მუშებს“!

მაშვრალი ეკატ. გურგენიძის ასული.

იქიდანვე: „სალამი ამხანაგო! ვწმინდა ნინოს გომნაზიის მე—8-ე კლასის მოწაფე აღმთრთვანებით ვეგებები მუშათა ახალ მიმართულებას და წრფელის გულით ვუსურვებ წინსვლას და გამარჯვებას. მეც მსურთ თქვენთან ერთად ვემსახურო სიმართლეს და თავისუფლებას.

მარიამ გვალაია.

პარტიული ამხანაგების საყურადღებო.

ყოველივე ამხანაგი, ვალდებულია სალამოს 5—დან 6 საათამდე შემოიაროს ყოველდღე პარტიულ ბიუროში (მუშტიადის ქუჩა № 15).

მთავარმა კომიტეტმა ქუთაისის ამხანაგების საერთო კრებისაგან შემდგვი დებეში მიიღო: „მოგესალმებით, ამხანაგებო, და ფიცს ვსდებთ, რომ დასახულ მიზანს მხედ ვემსახუროთ. წინ, ამხანაგებო, ჩვენთანაა სიმართლე“.

საგუბ. კომიტ. თავმჯდომარე ი. ფანცხავა.

ქუთაისში ამხ. ხილოვან ხუნდაძეს. შემდგვი დებეში გაეგზავნა: მოგესალმებით ჩვენო სპეტაკო და საამაყო მასწავლებლო.

მთავარი კომიტეტი.

ამხანაგებისა და თანაგრძნობთა საყურადღებო.

ამხანაგებო! ყველა საარჩევნო კომისიაში და ყუთთან არის ჩვენი სია № 9 კონვერტის მიღების დროს კომისიაში უეჭველად მოითხოვეთ სია № 9. ამხანაგებო! იცოდეთ, რომ დღეს თქვენზეა დამოკიდებული. გსურსთ თუ არა, რომ ქეშმარიტად მუშურსა და სოციალისტურს პარტიას მისცეთ ხმა.

ახალი ამბავი.

საქართველოს დემოკრატიულ რესპუბლიკის მთავრობის ბრძანებით ბორჩალოს მაზრის გენერალ-გუბერნატორობა დაევალა თფილისის და მის მიდამოების გენერალ-გუბერნატორს მაღლაკელიძეს, რომელსაც უნდა დაექვემდებაროს აღნიშნული რაიონის ყველა სამხედრო ძალები და სამოქალაქო დაწესებულებანი.

ლებედვის დატუსაღება. სამშაბათს თებერვლის 11-ს საღამოს 6 საათზე, განსაკუთრებულმა რაზმმა დაატუსაღა რუსთა ეროვნულ საბჭოს თავმჯდომარე ლებედვი.

ინგლისელების დახმარება დენიკინის ჯარისადმი. ინგლისელებმა სპარსეთში 2 მილიარდი და 2 მილიონი მანეთის ნიკოლოზის ფული შეაგროვეს მანეთი 7 კაპეკათ და ამავე ფასებში გადასცეს ის მოხალისეთა ჯარს.

დამფუძნებელი კრების ცენტრალურ საარჩევნო კომისიას. აცნობებენ ახალციხე და ახალქალაქის რაიონებიდან რომ შექმნილი მდგომარეობის გამო იქ ამ ჟამათ არჩევნების წარმოება შეუძლებელი ხდება; აგრეთვე გუდაურისა და ყაზბეგის რაიონებიდან ატყობინებენ, რომ იქაც დიდი თოვლის მიზეზით არჩევნები უნდა გადადებული იქნეს.